

CHRIST KING HR. SEC. SCHOOL KOHIMA

CLASS - 11

TENYIDIE

Class11 Syllabus for Tenyidie subject 2020

External -

Section A -	Reading	10m
Section B -	Writing	10m
Section C -	Grammar	15m
Section D -	Literature	
1.	Prose	20
2.	Poetry	15
3.	Fiction	<u>10</u>

Total 80

Internal - +20

Total = 100

External

Section A -Reading 10m

One unseen passage of 200-300 words. There will be questions to test vocabulary and grammar.

Section B -Writing 10m

1. Application writing/ Speech writing
2. Advertisement/ Notice

Section C -Grammar 15m

Grammar and Translation

1. Diezho kikruko mu puo zatseko
2. Translation

Section D - Literature

Prose 20m

1. N Keneiu Zotuo
2. Doctor Faustus
3. Mha Ketso Seiyakezha Thepfunuoyo

Poetry 15m

1. Khe Peziyaluo
2. Leshükephrüyo
3. Rheichie Khrüprei
4. A Kelhou Nu

Fiction 10m

A Tsüre Rügukelieu –Thepfukhrietuo Rüpreo

1. Vitsonyü niapfü za kiüya ga?

Kl. Vitsonyü niapfü za liro Lhouvozo ü üya.

2. Vitsonyü kepenuo rüna za thushülie.

Kl. Vitsonyü kepenuo rüna za liro Viphezou

3. Vitsonyü krünia za kiü si ga? Vitsonyü se mia kitsuo ga?

Kl. Vitsonyü krünie za liro Khonyü mu Shürheinyü-ü. Vitsonyü so thepfumia kenie mu thenumia se.

4. Kiüdi Vitsonyü-e rüve puo krü ki vocketuo la pethou rase tuota ga?

Kl. Rüna kepetse nu tuoketa la u ramia pu monyü phi tsanuo nu u se u yie theboko huo kesiakejü chüta rei thedzethese rei siya mo, süla zha kenie kese puo we vor u ramia vovü sishüketuo nounyü penyi tou di ralie di vor. Vitsonyü sorkari lietho chü di vo rüna kepetse puo nu tuoya. Lietho kecü monyü lietho kezha chü tuoketa sü merei phikecü mho rei rüverüvü rei chü phi saya. Süla tsiemelie vor puo krü morei siezedzürieko vaphikeshü tei ngulieya mo. Hau va we Vitsonyü-e rüve puo krü ki vocketuo la pethou rase tuota üsi.

5. Vitsonyü krünuoe kimhiecünia üsi ga? Kedipuo la vitsonyü vo mia ra tuota ga?

Kl. Vitsonyü krünuoe kenyikeremia mu unie kenienie rei unie nhicu ki leshüphrü phre derei u krüe zharümiacü la unie bu leshüphrücü u kele mo phre di unie shüphrü kha peziwa mu unie peli khrie puo .

Vitsonyü-e leshükephrü teiki puo shüphrü nu puo rhierhucü la kevi lau nu par sei tuolieya. Situo di sietsenu ketanser chüta di vo mia ra tuota üsi.

6. Viphezou rüna mu puo themiako dze thushülie?

Kl. Viphezou sü rüna nado puo. Rüna hau kijüthou geinu rüna chü kepekru di kiko chüpie ketsekeyie mopfü vo baya. Rüna zü gei mha cie vi secü thechü puo, Süla sonuo ki rünako zomonyü ketsekethou nu mezhamia rüna kekra rei ngu baya. Rüna chüpie niakrava pekra monyü niathu va pekracü la kidütsa nu mehoshü ro rüna ngu pevi se baya. Siro phe nu dahouko geinu puo liezhüliezuo phishü ro zo tsu thezhako mu rüdizhako sa ngupie meyuomeluopfü vozhöya. Rüdi khie thekhako nu kijü jüshie sacü la telha zomonyü kenyakera mu nhasinhara rei lhou pevi selieya. Kijü rhi kezivi zomonyü puo nyolhe rei kro sa mu tei rei le phi mo tsiu meku phi rei mo idi theja kijü chü zo üsi.

Viphezoumiako lhoupie u dzüziekrui tuoya. Lhenu theja kevi ki ze puo themia rei lhou mekhro mu kepekro unei phi phreya. Peniezhava ki morei thekhruothenyi teiki tse phichümiako thehie dziepie phre di dahouko geinu kehou jüjiepfü u khra mopfü baya. Viphezoumia sü u kilie kevi la mhanyi phre mu kikru puo ha u thuo u kesekhrokroi di miapuorei mia tsokhi kechüjü. Hakemhie di themiako rüna chü ketheguo mu lhou u nei se baya.

7. Kiüdi Vitsonyü rüve puo kinu kevoki thekhrothenyi nyi keba mhie üta ga?

Kl. Vitsonyü vo mia ra ba telhe tuo di puo rüna nu kevo ki uko zanuomia rei mu thino kekrai nu rei setheyie huomia puo vor keba sishü di vor puo ze kehoushü nyü di vor pfhe ba, Keze kengu kemo pecha tuoketa sü peyo kehou chü di u dze u seko se kepushüketuo la phre di vo ba. Uko ki mu rüna metsuo ki puo tsiu uko kitie sü thehouba chü, Süla sünhie we thekhruothenyi nyi di vo hie keba mhie ba üsi.

8. Kedisenyü mu Tseilhou unie dze thushülie?

Kl. Kedisenyü mu Tseilhou unie kedziesecü zomonyü kenoulie rei phiya. Unie-e kehourapuo tuo rei thezho kemezhütho-u geinu kejo kechümia kerheiro rei kelashüwaya. Süla u kromiako rei unie khremerü phiya. Unie kenienie rei leshühhasi zowe tsa phi derei thenoumhasi mu Kepenuopfü kekhrie la mha kekra nu adielo chü di seyie liethomia kelapie kelhouzho kevi nu shüketuo unie hie chüya üsi.

9. Kedipuo la Kedisenyü rünoumothor tuoya üsi ga?

Kl. Liethomiako kenoukrei par di kepfülata mu kro kenie zomonyü kro se dia chü parta. Sipar tse u thuo u donu ketekegei sede parta. Sümhodzü keze krodü chü vor tsiu kekhoa terü vor di ketseya pa tse u thuo u kro-u yapie di kedukrei phita. U seyienyie thau siketa la Kedisenyü-e bu rünoumothor tuoya üsi.

10. Seibeilhou-e supuo mu puoe kimhie di vo Kamvü party nu leta ga?

Kl. Seibeilhou-e Tsüyie nuou mu puo rei Viphezoumia. Seibeilhou-e phichü moluo mu sei sig a si pesoulie kemo teiki pemo di lhou vor tsiu u krü mezieu si monyü u cünyükrienyü pfhü di kehoukeruo chü vor di Kamvü party nu leta üsi.

11. Pfüpekruo krou nu kebako kimhie cümia ga?

Kl. Pfüpekruo kro-u kebako tse u dzie kemeso nuonuo pekra mu terhüdojüko si saketa sü tefü meida sokeshü chü zo üsi.

12. Pfüpekruo kro-u kimhie di Kedisenyü kerheiro liewa ga?

Kl. Pfüpekruo kro-u uko mia kerko kike pete nunu kiu bo ler di Kedisenyü telieta di pfhenyie pie puo mhi dzewa , puo dzie shüse pa puo sietsatie nu siela phawa mu puo ze vo seimvü puo geinu phapie ba di puo tsie puo vü chakhrie uko die nunu puoe khriemo ücü üdi puo ketso ba mhapuorei silie mota. Uko noumeyie di zhietenue pie puo bou puo phi puo do mu puo merü gei rei ze di puo ketso ba zota. Mhapuorei silie moketa la khunhie puo bagei geinu puo ze vorzhü sitse chadi tsolie kemonu puo sie si mota, derei ukoe mhapuorei si tuo mo sidi chadiu tsoketuo chapphi puo mese tuoluocü nu puoe phisia tuoketa ngulie. Uko rei dopuo we kedipuo chü ro vita icü medo di kerüchü tha sitse uko commander-e puo chüpahiko ki pu di, Kedisenyü-e Khriemo ücü mota zo mecie derei uko puo theke lashü di puo shürholie di diekhruo chüshü tse uko thau bie pesuo watuo mu puo perheishü rei kemichie nyi üdi uko medo ketso kesie ki uko pete rei Kedisenyü dukhri waketuo u medo phreta süla commander-e puo misi ciepie Kedisenyü teikhie vawata mu puo pephowata zo derei khriesamia yopuoe la phi di Ak 47 cieso cie lapie puo merü pe lawa, uko puo teshüpie chadu khro ki puo shüwa mu nha rhopie puo mho shüwa di ta pesieta.

13. Kimhie di Kedisenyü mou-u vo thena kinu zhüta mu puo bu kimhie pfü zhü üsi ga?

Kl. Rühoumia doupuo misi pue rühou tuo di ker chadu sükhie ki nu rüleituoü sie ru Kedisenyü mo cie kezhöu re si di uko pfhe pie uko tie dzelie di nhanyho nu lukihaki meho voshü ru chadu khro phiyha kere-e mese puo kepeciecü nunu themo-u ngulie di thenamia pesishü. Sidi puo mo-u se vo thenaki nu zhü üsi.

Kedisenyü mo-u pie mopiera puo nu zhü mu pfhe lohe puo pie puo whepie zhü. Themo-u cie datacü sü teizie bu he houhoupfü ba. Themia puo khiera phicüko pete u tie dzebopie tha phre. Thenako mia puopuo khie ki nu pfhenyie yopuo thezese di kegepie teizieko whuoshüshü tha.

N Keneiu Zotuo

William Shakespeare

Ketsokecü mu kelakeshü.

1. 'N Keneiu Zotuo' rüsie dzeu supuo thushü ga? kikemie di rüsie dze hauha üse kekhrise dze puo ücü pulie vi ga?

Kl. 'N Keneiu Zotuo' rüsie dze hau William Shakespeare thukeshü puo.

N keneiu zotuo ücü rüsie dzeu nu kedimia puo, puo siezeu Frederick puo kediba sulieketa la kedi phichüu whuowa mu puo tsu ketsa nu lhou tuoecü silie. Sirei thedzeu thela nu kedi Frederick reiketsamia puo kemevo kecha nunu rürelie di puoe vo kediba nu nkelhou vawa di ruosuoki nu tuotaketuo pepilie. Süla kedi phichüu bu puo kediba we lalie mu unie keze vikelie silie.

Siro Rosalind mu Orlando unie rei kepeneilie derei kedi zho kesuo la keze balie suo tuo di tsu Arden tsa nunu kese lalie mu kepenei di kerilie. Celia mu Oliver unie rei huohuo ngupie u neiya derei kepu chie mo tuo di thela nu huohuo kemerü mu kemengu-u silie di kerie lalie. Oliver mu Orlando unie rei siezedzürise chü di huohuo ngumecü tuota di thedzeu thelatsa huoniehüo khrie la di keze vilie.

Thedze hakoha nunu sikelie kerieki uko pete kezekesuo nunu lhou tuo derei thelatsa uko kekhrise nunu kezevikelie silie. Süla we William Shakespeare rüsie dze hauha üse kekhrise dze puo ücü pulie vi.

2. Kedi phichüu mu kediu Frederick unie zhorüli kimhie di kekrei ga?

Kl. Kediu Frederick-e themia kelhiekhie secü puo. Puae puo dzürieu kediba sulie di puo whuowata. Siro dosuo chü di kediba sulie. Sirei kedi phichüue puo zho kemene puo süla puoe puo siezeu su rei mo di tuota mu puo siezeu Frederick thuo puo nou kedi lalie di kediba periepie puo ketsü ze nu vor puo kediba we lakecü chü.

3. Kedi phichüu khriethonie za thushülie.

Kl. Jacques mu Amiens.

4. 'N Keneiu Zotuo' rüsie dzeu pie puo cayieu ze kemejüshülie.

Kl. 'N Keneiu Zotuo' ükecü dzeu nu kediu siezeu , kediu Frederick-e kedibau sulieketa la kediue se puo siezeu tsüwa di tsu ketsa nu lhou tuota, derei kenuotsa kediu Frederick-e rürilalie di kedibau periepie puo dzürieu theta kediu tsü lawa. Siro Rosalind mu Celia unie rei kediki nunu tata di tsu ketsa nu lhoketuo ki unie-e khrietho mengu tuoyakezha unie neimia ze kese alie , sidi kerikelie chü. Siezedzürrie Oliver mu Orlando unie rei keze suoketuo nunu kezevi lakelie dze rei ngulie. Süla mhaca hako nunu sikelie themiako pete rei u nousuo mu kemezhie tuo di u keneiu ngu lakelie lanu thedze cayieu *N Keneiu Zotuo* icüu pie kemejülie vi.

5. Oliver puo siezeu Orlando peseketa kimhie di pulie vi ga?

Kl. Charles-e Orlando petha phrüşüketuo le ketha teiki Oliver-e puo siezeu Orlando üse kemethuokemeruo nuonuo zo üshü sidi puo bu puo petha phrüşüwanu di puwa. Siro kediu Frederick-e Orlando teketuo la ahza kere pie Oliver tsü di puo bu zha ker donu Orlando se dze rei morei perhei rei teze vo kediu tsünükecü khashü mu Oliver-e puo siezeu Orlando teketuo la puo pfhü tsurkecü nunu puoe puo siezeu pesekecü thashü.

6. Oliver mu Orlando unie kezevi lakelie dze thushülie.

Morei

Orlando puo dzürieu Oliver phou kelakeshü dze thushülie.

Kl. *(Pg 33 in your text book.)*

7. Rosalind mu Celia unie khrietho dze thushülie.

Kl. *(Pg 28-29 1st paragraph in your text book)*

8. Adam-e Orlando la kedipuo chüshü ga?

Kl. *(Pg 29 in your text book)*

9. Rosalind mu celia unie Arden tsa nu tsukecü ki suomia unie siemedzi ga? uko kimhie di tsu tsolie ga?

Kl. *(Pg 29 last para to pg 30 1st para of your text book.)*

10. Kedipuo la Jacques üse 'Melancholy Jacques' üdi kieta ga?

Kl. *(Pg 25 in your text book)*

Note: Kindly write all answers completely in your notebook.

Poetry
Leshükephrüyo

~D.Kuolie

Dieca

- a. Rhierhu – u rhie chü di kevi medo
- b. Pephu – vi kemetha, vi kemhiececü
- c. Rhuó – pekawa
- d. Zharülie – kevi kemiatho zha chükeliemia
- e. Rhierhuyoyi – u rhie chükecü

Ketso mu kelakeshü.

1. Ükezo-u D.Kuolie themia ha phichükelie ze kedipuo leya üdi pug a?

Kl. Ükezo-u D.Kuolie-e puhecü themia ha u nhicu ki mhapuorei le pesou mo,, ketevuo di teisonhie u neisie tuoya. Derei le kemo nu phichütaya mu phichüta tse u nhicu rüli le lashü di nhicu chü lacü mengu vorya üdi Leshükephrüyo geizo nu pushü.

2. Keriekimia miavimia siaketako ruopfüu kimhieya üdi putuoya ga?

Kl. Keriekimia-e miavimia lhou pecha mo di siaketako ruopfüu vo teigei nu khrüthemvü mevi di kechachie zie di zayie chütuoyakezha putuoya.

3. Leshükephrüyo geizo nu D.Kuolie-e kedipuo pie tsiedo kelhouko tarhoshü ga?

Kl. Tsiedo kelhou teiu nu nhicumia pete leshükephrümia chü di teisonhie mhasi kepfhü la u kromia ze leshüki nu voya, mu mia krünoo-e u nuonuo bu lhou sie kevimia chücü kemengu la kemezhie zorei u rhie chü u nuonuo kese baya. Süla leshükephrümia kehouporei u neisie di mha pete nu mhasi pfhülie di thiesie miavimia chülie morokesuo pushü tsiu kehouporei u shüphrü teiki u krü die ze mo mu u krü mezie le mo di leshü phrü pevilie mota liro phicheta sie nu nhiczha u ki la vorya mo üshü. Siro mia ki vikuoketuo kelhou-u ngulie motatuo, sietse nunu themia kevi chü , u krü dieze chü di mhasi mu therhuko pfhücü kelhou mu kemiatho mhale rüli se lhou, tsiu Kepenuopfü khrü keprei nu bakelie sie keriekimia miavimiako siaketa sie vo teigei zayie chütuoyakezha tuoi we rei u zhakhra kevi ngutoulie zotuo. Süla ükezomia-e kephrünuomia bu u kelhou sede nunu u rhie chü kelhou kevi chau rüya di lhoushülienukecü se tsiedo kelhouko tarhoshü.

4. Kedipuo la themia u nhicu mengu laya ga?

Kl. U nhicu ki mhapuorei le pesou mo di lhou u neisie tuoya. Nhiczha u ki ba pechaya mo. Siro we ketevuo phi di u nhiczha pevowa di phichütayakezha la süze nu u nhicu mengu la vorya üsi.

5. Kedipouo la u shüphrü teiki u krü u kepethamia die ze morosuo ga?

Kl. We u shüphrü teiki u krü u kepethamia die ze morosuo kekreilamonyü kehouporei u shüphrü teiki u krü die ze mo mu u krü mezhie le mo dio leshü phrü pevilie mota liro phichüketa sie nu mia mengu di rünoumo tuo rei nhiczha u ki la vorya kemo la.

6. Keriekimia khrüthemvü dze puhecü kimhie ga?

Kl. Keriekimia-e khrüthemvü üse teigei rütso chü bayaü siro khrüthemvüe u rhie chü zie tuoyakecü kemhie themia kevimia siaketa üse khrüthemvü mevi di teigei zie bayakecü peleya üsi.

Note: Kindly write all answers completely in your notebook.
